



• EDITORIAL • RÂL VÊNGTU • CHHÛNGKAW CHANCHIN

- » Synod Executive Committee Wawi 268-na
- » Synod Bookroom thar hawn a ni
- » Lay Day 2017

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXI

No. 405

E-mail: synodnews@gmail.com

JUNE, 2017

LÂWRKHAWM

SYNOD BU 2016 A CHHUAQ

Synod Bu, Tangka lam leh Thawhlâwm thawh dân tel lo zâwk chu May thla tâwp lam khân a chhuak a. Kohhran tinin Minister, Kohhran Upa (Active leh Pem Upa) leh Kohhran copy tûr Synod Office aţangin a lâk theih ta.

ZING TAWNGTÂI INKHÂWM THUPUI BU THAR

Synod Information & Publicity buatsaih Zing Tawngtai Inkhâwm Thupui Bu (Revised Edition) a chhuak thar a. Kohhran tinin mahni kohhran mamawh tâwk Synod Office aţangin lâk theih a ni.

OFFICE AWMNA INSAWN

Synod Office Annexe building sak thar, Mission Vêng Biak In hrûl kawngpui aţanga Synod office han luha vei lamah Synod Music Department leh Synod Information & Publicity te June thla chawhma lam hian an insawn ta. Music class room te, studio te pawh hemi hmunah hian dah a ni a. Kohhran mi, hêng Department dâwr duhten hriat a tha.

REVIVAL MEET 2017

Synod Revival Committee buatsaih Synod Revival Meet wawi rukna chu June 23-25 chhûng hian Ramthar Vêng Kohhran Biak Inah hman a ni dâwn. Ni 23 (Zirtâwpni) zânah Synod Moderator-in Pathian Thuchah a sawi ang a, a tûk Inrinniah Thupui pathum zir ho a ni ang. Thupui zir tûrte chu Aizawl Theological College-a zirtirtu pathum - Rev. Dr. Lâwmsânga, Rev. Dr. L.H. Rawsea leh Rev. Dr. K. Lallâwmzuala ten an ziaik a. Zân lama Pathian biak inkhâwmah Synod Revival Speaker Pu C. Lalnunsânga te, Pu R. Lallungmuana te, Pi P.C. Vanlalngâki te leh Sr. Executive Secretary Rev. Lalramliana Pachau ten Pathian Thuchah an sawi thung ang. Synod Revival Committee chuan he huna inkhâwm tûr hian Kohhran mite an sâwm.

OPERATION NEHEMIA

Aizawl khawpui leh a chheh vèla mi awm khawlothe thlarau lama an mamawh phuhrûk dân zawnga beihpui thlâkna, 'Operation Nehemia' tia vuah chu chhonzawm zêl a ni a; he beihpuih hian Synod Revival Director hovin, speaker kal remchâng apiangte an che chhuak thîn a; a hlawhtlinna pawh hmuh tûr a awm zêl niin thu kan dawng.

PRESBYTERIAN KOHHRAN

PAVALAI PÂWL MEET WAWI THUMNA HLIM TAKA HMAN A NI

Synod Revival Committee buatsaih Synod Revival Meet wawi rukna chu June 23-25 chhûng hian Ramthar Vêng Kohhran Biak Inah hman a ni dâwn. Ni 23 (Zirtâwpni) zânah Synod Moderator-in Pathian Thuchah a sawi ang a, a tûk Inrinniah Thupui pathum zir ho a ni ang. Thupui zir tûrte chu Aizawl Theological College-a zirtirtu pathum - Rev. Dr. Lâwmsânga, Rev. Dr. L.H. Rawsea leh Rev. Dr. K. Lallâwmzuala ten an ziaik a. Zân lama Pathian biak inkhâwmah Synod Revival Speaker Pu C. Lalnunsânga te, Pu R. Lallungmuana te, Pi P.C. Vanlalngâki te leh Sr. Executive Secretary Rev. Lalramliana Pachau ten Pathian Thuchah an sawi thung ang. Synod Revival Committee chuan he huna inkhâwm tûr hian Kohhran mite an sâwm.

Rev. Lalramliana Pachau, Sr. Executive Secretary i/c Revival, etc.-in Meet thupui tlawh chhanin thuchah tângkai leh awmze nei takin hnu a khâr a, thuchah nung leh ngaihnawm tak tak bâkah zaipâwl ngaihnawm tak tak ngaihlâk tûr a awm reng a, Meet hmangtuten an hlâwkpu thu an sawi nasa hle. Inkhâwm leh zaikhâwm te hi Synod Information (Synfo)-in Local TV Channel pahni - LPS-ah leh Zonet-ahte a hmuna thil tih lai en theihin an ruahman a, TV lama entu pawh an thahnem thawkhat tih a hriat theih.

Meet thlengtu Kohhranin an chhinchhiah dânin mikhual riak lût 1,460 awmin lănga kal hi 2,417 (hei hi Pathian ni tlaia chaw ei) an ni. Meet atân hian a dawngtu Kohhran an lo inbuatsaih nasa hle a, an sum senso pawh ₹ 13,42,092/- lai a ni. Inkhâwm hun hrang hranga motor-a kal tam ber chu Pathianni zân a ni a, motor (ke hnih nei tiamin) 812 a tling hial. Pathianniah hian tlai dâr 5:30-ah chuan thutna awm zawng zawng an thu khat deuh der mai a, mi eng emaw zât chu pandal pawn lamah leh step remchâng laiah te an thu a, Pathianni zânah hian inkhâwm hi 5,100 nia chhinchhiah a ni. Meet sêno atân hian Synod Revival Committee leh Kohhran Pavalai Pâwl hrang hrang aţang te, Kohhran thenkhat aţang tein thlengtu puihna ₹ 5,26,500 a tling khâwm a. Pathian hnêna thilpêk/thawhlâwm lâk khâwm, a thlengtu puala hmuh pawh ₹ 1,42,808 a ni baw.

Meet chhûng hian Zaipâwl zai ngaihnawm leh thlarau lam nun chawm tak tak tûm 25 ngaihlâk a ni a, Presbyterian Choir Lunglei chu tûm hnih an zai a, a bâk chu wawi khat theuh an zai a ni. Hlapui rem thei pawh an awm a, hei hi thil thar a ni âwm e. Pathian Biak Inkhâwm a nuam a; zai apiangin

lâm pawh thahnem tâwk tak an awm thei reng a, Biak In chhûng lâmtual bâkah hmun ruk vèlah lâmtual buatsaih a ni a, chûngah chuan Pathian faka lâm an khat mup mup mai a ni.

Pathian Biak Inkhâwmah Meet Thupui ngaihlâk thîn a ni a; Speaker thu sawi aţang leh Synod Moderator leh Sr. Executive Secretary thu sawi aţang te hian Kristian chhûngkaw dân kawnga Pavalait mawphurhna leh ram siam tha leh tûra an pawimawhna thu a ri tam hle a; inkhâwmho pawh thu an dawngsawng tha hle. Kum danga la tih ngaih loh, inkhâwm bân lêngkhâwm programme tûm hnih siam a ni a, hêngah pawh hian kal an tha thîn hle. Meet hun danga tih thîn dânin Inrinni chawnuah Zaikhâwmpui buatsaih a ni a, hemi hunah hian Kohhran Pavalai Pâwl Zaipâwl pakhat an zai. Inkhâwm an kal hma a, zaihona hun a tam hle chungin zai leh lâm an kham thei lo a ni ber e.

Thuhiril nung tak tak bâkah hian Biak In chhûng chan ngei ngei tûm, Pavalai rual Pathian fak tûra an han che vèl te, a dawngtu lam hmêl hlim leh biak nuam tak mai, palai pui tûra inpeih at reng mai te, thlen in ten palaite an duat dân te, zai hruiatu lam lah hah sawi lova hlim leh phu, nung tak maia a bul aţanga a tâwp thlenga an inpêk dân te chu mita hmututen ropui an tih thu an hrilhfâk. Pavalai rual lâmtuala leng lo hlim taka an han phar suau suau mai han hmuh te kha chu thilung a hlim a, Văn lam pawh an lâwm ve ngein a rinawm hial. Pathianni zânah chuan ui tak leh kham lo tak chungin Meet leh hun tûr beisei taka thlir chungin palaite an inmangha ta a ni.

Thu lăkna: Rev. K. Rolungmuana, Meet Secretary & Upa Vanlalruata, Secretary, Ramhlun North Kohhran

SYNOD Newsletter

EDITORIAL STAFF

Rev. Dr. C. Chawngmhangliana
Rev. PC Pachhinga
Upa H. Ronghaka
Rev. R. Laldinthara

Editorial

THLARAU THIANGHLIM HNATHAWH

‘Ka thi tawh a, Krista hnênah thuhruk in ka awm tawh,’ tiin Kristaa kan nun nghezia han sawi viau thîn mah ila; khawvêla kan la awm tlat avângin rinna kawngah chauh châng nî a awm leh thîn. Lal Isua a zirtîrte vâna a lâwnsan hnu pawh khân, anmahni hna ngai thawkin an darh sang sang a ni mai thei. Ni tina Isua hnung zui thîn kha an hna ngaia an han pên leh chuan an thlarau lam nun pawh a chuai ve deuh raih mai thei e. Chutiang chu lo ni ta pawh ni sela, a âwm ve tho mai. Rintu nunah chauh ngawih ngawih châng a awm thîn. Chutiang hunah chuan Rintu chuan mamawh a nei a ni, chu chu **Thlarau Thianghlim** a ni.

Lal Isua thawhle a tanga ni sawmgana Penticost ni a lo thlen a Lal Isua tiam ang ngeia zirtîrte hnênah Thlarau Thianghlim a lo thlena, Thlarau Thianghlimin hna a han thawh meuh chuan thil a lo inthlâk danglam nasa ta hle mai. Hmeichhe hmaa tlâwma, Lal Isua pawh hre ngam tawh lo Petera a lo huaisen thar leh ta. Hlauih rêng a nei tawh lo. “Nangni Israel mite u, he thu hi hre rawh u ... nangnin mi sualte kutin krawsah in khengbet a, in tihlum ta a. Kha mi kha Pathianin thihna phuarnate chu a phelhsak a, a kai tho ta a, amah chu thihna chelh hlen rual a nih loh avângin,” a ti ta piap piap mai a nih kha.

Thlarau Thianghlim chuan ringtute chu chakna thar a pe a, an tih peih tawh loh leh tih châkna pawh an neih tawh loh te pawh thatho taka tih peihna leh tih châkna a neihtîr a. Dawihzep a tihuaisen a, khup zawi leh bân uai thlate a tiphûr a, lungngaia indawm kun rengte hnênah hlimna thar a pe a. Mi uikawmte a tithilphal a, mi dangte tân ui rêng nei tawh lovin thilphalna a pe a, an neih zawng zawng inâwm vekin hausa leh retheiten a thlum a al an ei za ta a, a ropui ngei mai. Thlarau Thianghlim hnathawh hi mamawh lo kan awm lo, mi tin mamawh a ni e.

SYNOD EXECUTIVE COMMITTEE VAWI 268-NA

Synod Executive Committee (SEC) vawi 268-na chu Synod Inkhâwmpuiin thut hun tûra a ruat, June ni 6-8, 2017 chhûng khân JM Lloyd Hall, Synod Office-ah an thû a. Synod Secretary Report-a târ lan thil thenkhat chu hetiang hi a ni: Synod 2016-in a rêl angin Kohhran Inkhâwmpui palaina tûra ruatahte kal theih vek a ni a; Synod Service Board-in thawktu (contractual basis) 18 la tharin doctor pakhat a ngheta lâk a ni a, an hnaa dah ngheh (confirmed) leh contract ziah thar pariat ve ve an awm baw. PCI, Hyderabad Mizo Church chu March 3, 2017-ah din a ni a; PCI Gen. Assembly-in a remtih angin Tripura Mission Field (Tripura Presbyterian Church) chu April 2, 2017 khan Provisional Synod-ah siam a ni a; Provisional Synod hawn/thlen nân hian Mizoram Synod-in ₹ 3,30,000 a pe. Synod Institution hrang hrang – ATC, MTC, PBS leh Nursing School-ten Graduation/Valedictory Service tuang takin an hmang vek; Synod 2016-in a rêl angin Lay Theological Education chu Aizawl Theological College a tângin SMTC, Mission Vêngthlangah April 19, 2017 khan an insawn.

SMB hnuaia missionary lâk thar 15 Tirh Chhuah Inkhâwm April 19, 2017-ah Leitan South Kohhranah hman a ni a; Missionary Retreat (Central Region) May 4-7 chhûngin Vaivakâwn Kohhranah hman a ni baw. Meitei Singlup Provisional Synod chu April 30, 2017 khân Synod puitlingah hlân kai a ni a, he hun hi Moirang Mission Compound-ah hman a ni. Synod sum te auditor-a ruatten tuang takin an en dik a; ₹ 48,54,500 sênga sak Synod Office Annexe chu Synod Moderator-in ni 2.5.2017 khan a hawng. Upa H. Ronghaka, Joint Editor, SL&PB chu Additional Editor-ah May, 2017 a tângin kaisantîr a ni a, Rev. Dr. Vanlalchuanawma (Pensioner), Former Principal, ATC chuan UBS, Pune-ah May 11, 2017 khan Principal hna a zawm. Rev. R.L. Sâwta (Pensioner), Vaivakâwn pawhin 3rd IR (Mizo) Bn. Chaplain hna Mangaldai, Assam-ah a zawm.

Synod 2016-in Minister, zirna sâng zâwk zir zo, Biala awm tûra a tihte – Rev. Rosiamliana Tochhawng (Rawpuichhip), Rev. H. Lalrinsânga (Vânzau), Rev. P.C. Malsâwmtluanga (Kelkang), Rev. K. Dârthanmawia (Tuidam) leh Rev. R. Lalrinliana (Keiîum) te chu May 14 khan an awma tûr theuhvah dah ngheh an ni. Dr. Joseph Lalhmachhuana, MD, Synod Hospital chu DNB (Neurology) Superspeciality zir tûrin a tling a, May 19 khân Bangalore-ah a zir tâng. Synod Lay Workers’ Fellowship Intawh khâwm

(Lay Day) chu Synod Hospital-ah May 26, 2017 khan hman a ni. Pastor Quarters sak thar tûrin heng Bial – Tawipui North II, Thaidawr, Chhiahtlâng Kâwn Vêng, Bâwngkâwn Bethel, Chanmari, Zemabâwk North leh Zungtui te thlan a ni a; sak that tûrin Phûldungsei leh Ratu te thlan an ni baw.

Synod Bu 2016 a chhuak a; Vijaynagar Kohhran, Arunachal Pradesh chu Arunachal Mission Field hnuaia awm tûra tih a ni a; Synod Bookroom show room atân Khatla North Biak In hnuaia chu June ni 2 tâng khan hman a ni a; Synod Statistics-a hman tûrin Statistician hmingin E-mail siam a ni a, synodstatistician@gmail.com tih a ni a, statistics lam thil rêng rêng chu hetah hian thawn tûr a ni. Rev. Tlânglâwma (k.80), Ramthar Vêng chu April 29, 2017 khan a thi a; Zosap Rev. J.M. Lloyd-a nupui, Pi Joan Lloyd pawh June 1, 2017 khan Glen Devon Residential Home, North Wales-ah a thi. SEC 267 leh 268 inkârah Re-marriage Licence (RL) 460 leh Revocation Certificate (RC) 392 pêk a ni a; Chhawmdâwlna sum ₹ 35,68,000 pêk chhuah a ni baw.

SEC 268-ah hian thu rêl tûr (agenda) 50 zet chhawp chhuah a ni a, a tam zâwk chu nikum Synod leh SEC hmasa lamin an lo rêl tawh bawh zuina a ni a. He thu ziah lai hian SEC hi an la thut mêk avângin remchâng dangah thurêlte chu la tihchhuah a ni ang.



Râl Vêngtu

Kohhran chhuahsan tum mi eng emaw zât hi bungbawr takin Râl Vêngtu vênbûkah an lo kal a. Râl Vêngtu hnênah chuan, “Râl Vêngtu, he khuah hi in kal dik tawh lo va, kan chhuahsan dawn, khaw dangah pêm daih kan tum a,” an rawn ti a. Râl Vêngtu chuan, “**‘Si loh chuan’** tih hla chham mi hi in hre tawh ngai em?” a lo ti a. Mite chuan, “Hre ngai lo, min han hrilh la,” an ti a.

Râl Vêngtu chuan, “UID leh Adhaar Card Number aiin Pathian chhinchhiaha a pawimawh zâwk. UID hi Sakawlh chhinchhiaha Bible-in a sawi leh zirtirna hi a ni lo. Sakawlh chuan Pathian leh a Kohhranho a dovin a tiduhdah zâwk asin,” ti a. Mite chuan, “E!” an ti a. Râl Vêngtu chuan, “**‘Si loh chuan’** tih chu hei hi a ni a, ngun takin lo ngai thla rawh u aw,” a ti a.

Thim thuah hnih, sakawlh leh UID hlauvin Kohhran atanga chhuakin emaw khaw thenawmah pêm mah ula, in nunna chu Krista hnênah thuhruk a nih si loh chuan in him chuang lo vang.

Zoram thar beiseia tlângauvin bei fê thîn mah ula, in rilru leh ngaihtuahna a thar si loh chuan engmah a sâwt chuang lo vang.

Pathian thu man fuh ber nia inngaiin thu sawi thîn mah ula, Pathian thuthlung in man fuh si loh chuan in bo nasa tial tial ang.

Thu hrilh theihna neiin, thurûk zawng zawng leh hriatna zawng zawng hre vek angin inngai mah ula, Krista taksa, Kohhranho nihna tak in hriat fuh si loh chuan engmah in ni chuang lo vang.

Sakawlh leh UID in hlauh avâng leh a laka in him theih nân in in leh lo leh in ro hlû te hralh vekin hmun hranah pêm inbêngbel mah ula, Pathian thlamuanna in neih si loh chuan hlauh in ngah tial ang.

Hre dik ber leh man fuh bera inngaihna te, mumang lama Pathian thu dawng nia inhriatna te, phuachchawp zâwlneite hi awm mah sela, tihbân a la ni ang. A kim lovin in hria a, a kim lovin thu in hril bawh thîn. A famkim (Krista lo kal lehna) a lo thlen hunah chuan engkim a lang fiah tawh ang.

Mite chuan, “A lo nih tak chu, kan lo inngaihtuah tha leh ang e,” tiin in lamah bawh an hâwng leh ta rih a.

SYNOD HOSPITAL, DURLÂNG APRIL, 2017 CHHUNGA THILPÊK DAWNTE

I. CHARITY FUND

1. Ngopa Bial Kohhran Hmeichhia	Rs	10,000/-
2. Pu Rosawmliana Vartê, Durlâng Leitan	Rs	1,000/-
3. Kolasib Hmâr Vêng Kohhran Hmeichhia	Rs	4,599/-
4. Pu Lalramena Râlê, Durlâng Dâwrkâwn	Rs	1,000/-
5. Pu Laldanglova, Durlâng Mêl - 5	Rs	1,000/-
6. Pi Vânlalbiaki, Leitan South	Rs	1,000/-
7. Pu Lalnunsânga, Durlâng Dâwrkâwn	Rs	1,000/-
8. KTP, Champhai Bethel Bial	Rs	10,000/-
9. KTP, Chhinga Vêng East Branch	Rs	3,835/-
10. Sumsuih Bial Kohhran Hmeichhia	Rs	2,000/-
11. Mr & Mrs R.Ramdiniana, Durlâng Leitan (An fanu, Malsâwmluangi Râlê kum 1 tlin lawm nân)	Rs	1,000/-
12. Pu Lalsanglura, Durlâng Mêl - 5	Rs	2,000/-
13. Lungdai Kohhran	Rs	1,000/-
14. Pu JN Thangkima, Lunglei Chanmaryi III (An fapa, Vânlalhruaia Chinzah (L) hriatrengna)	Rs	3,000/-
15. Model Veng Kohhran, Aizâwl	Rs	12,313/-
16. L. Zotawni, Sister, Synod Hospital	Rs	3,000/-
17. James Lalêngmawia, Project Co-ordinator, Open Doors, Ramhlun	Rs	10,000/-
18. Sheela, Kanan Vêng, Aizâwl	Rs	500/-

II. THISEN PETE

1. KTP, Sairang Dinthar Bial	30 Units
2. KTP, Dâwpui Vêngthar Branch	24 Units
3. JC Security Guards	15 Units
4. KTP, Chhinga Vêng East Branch	41 Units
5. KTP, East Phailêng Pastor Bial	28 Units

PEK ZÂT

30 Units
24 Units
15 Units
41 Units
28 Units

6. KTP, Baktâwng Bial	50 Units
7. KTP, Zemabâwk Vêngthar Branch	21 Units

III. GRACE HOME TÂN

1. Central KTP (Cook lawmman tûr)	Rs 9,000/-
2. Dr. Lalthanpari, Medical Officer, Synod Hospital	Rs 30,000/-

IV. THIL DANG PETE

1. Suangpuiawn Bial Kohhran Hmeichhia	Hmunphiah 100
2. KTP, Tuipuibari Bial	Hmunphiah leh Swabstick
3. Keifang Bial Kohhran Hmeichhia	Syringe Pump lei nân Rs 69,000/-
4. Kulikawn Kohhran Hmeichhia	Damlo leh awmpuitute Easter Sunday refreshment atân Rs 15,000/-
5. Hnahan Bial Kohhran Hmeichhia	Hmunphiah 100
6. Bilkhawhlir Kohhran Hmeichhia	Hmunphiah thahnem tak
7. Dâwpui Vêngthar Bial Kohhran Hmeichhia	Student Nurse Hostel khum panga (5) siamna tûr Rs 17,000/-
8. Keitum Kohhran Hmeichhia	Hmunphiah 100
9. Dr. Lalramengmawia, Synod Hospital	Casualty a hman tûr Ophthalmoscope Pi Pui In atân Pillow Case 28
10. Pu Lâwmsângzuala, Mêlbuk, Champhai	

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lăwmthu kan sawi tak meuh meuh a ni. Hêng in thilpêk kan dawnte hian damlo awm man harsate thlamuang takin a awmtir a, Hospital mamawh tam tak min phuhrûksak bawh a ni.

Sd/- REV. R. RAMDINMAWIA, Chaplain

SYNOD BOOKROOM THAR, KHATLA HAWN A NI

June 2, 2017 (Zirtâwpni) zîng dâr 7:00 khân Synod Bookroom thar, Khatla North Biak In hnuai a mi chu Rev. PC Pachhûnga, Executive Secretary i/c PRESCOM Department chuan a hawng.

Bookroom thar hawnna inkhawm hi Upa R. Lalmalsâwma, General Manager, PRESCOM-in kaihruaiin Pu Lalniliana, Synod Bookroom Manager-in report a pe. Hemi hnu hian Rev. PC Pachhûnga, Executive Secretary i/c PRESCOM Department chuan mi tin dâwr theih tûrin a hawng ta a ni.

Synod Bookroom Headquarters chu sak that tûra tûra a nih avângin Showroom sawnna

atân Khatla North Biak In hnuai hi April thla tîr atâng khân chei a ni a, a dung feet 38 a sei niin a vâng lam hi feet 30 a zau a ni a, stockroom feet 16 a sei, feet 8 a zau a nei bawh. Hemi buatsaih nân hian Rs. 20,48,310/- zet sên a ni.

Khatla Bookroom thar hi Synod Bookroom showroom zîngah chuan a mawi ber leh changkâng ber a ni a. Tûnlai hmanraw tha leh thar hmanga a theih anga thum a ni bawh.

Headquarters Building sak zawh a nih hunah pawh khâr lova Branch anga ding tlang zêl tûra ngaih a ni a. Heti hian Synod Bookroom chuan Branch 13 leh Distributor 32 a nei mên a ni.

PRESBYTERIAN ENGLISH SCHOOL, HSLC RESULT 2017 THA LAWMNA

May 31, 2017 (Nilaini) khân Presbyterian English School, HSLC result 2017 a ti tha te chawimawina leh lăwmman semna Synod Office-a Devotion Hall-ah hman a ni.

He hun hi Rev. B. Sangthanga, Executive Secretary i/c Education-in a kaihruai a, Pu P.C. Vânlalhruaia, Supervisor of Schools (PES) in inhmelhriattirna neiin report a pe ngah a. Synod Moderator Rev. Lalzuitanga'n thu sawiin lăwmman a sem ngah bawh.

Kum 2017-a zirlai HSLC exam beitu zât hi 360 an ni a, an zînga 332 an passed a, Distinction-ah 40, First division-ah 139, Second division-ah 123, Third division-ah 30 niin a pum puia khaikhâwmin pass percentage chu 92.22 a ni.

PES result tha lawmna hi kum 2014 atâng khân kalpui a ni a, Synod Education Board-in school tha tehna (criteria) a siam atângin school tha thlan thîn a ni a, a ti

tha pathumte te hnênah Special Prize pên thîn an ni.

Kum 2017 lăwmman dawngtute chu-

1st PES, East Lungdâr - Desktop Computer

2nd PES, Dârlawn - Rs.12,000/-

3rd PES, Zotlâng - Rs.10,000/-

Consolation Prize (Rs. 5,000/- theuh) dawngtute:

1. PES, Khawruhlian	2. PES, Khawzawl
3. PES, Lengpui	4. PES, Thingsulthliah
5. PES, Sêrchhîp	6. PES, Saiha
7. PES, Khawlailung	

Heng bakah hian mimal ti tha, Distinction a pass zirlaite hnênah Laptop Computer pên thîn an ni a, tûn tumah hian zirlai 40 laiin Laptop Computer an dawng a ni.



CHAMPHAI VÈNGTHLANG

KOHRAN: May 1-21, 2017 chhûng khân Synod Revival Speaker Pu R. Lallungmuana 'Hebron Revival Team' ruaiin Camping chhâwng nhieh leh Crusade ni 10 chhûng an nei a. Camping-ah hian mipa 243 leh hmeichhia 96, an vaiin mi 339 lûtin Kohran pâwl dang aţangin mi eng emaw zât an lût bawk a. Crusade chhûngin mi sâng chuang zet an inkhâwm thîn. Camping neih chhûngin mi inhpalten vaw leh thilpêk hrang hrang campers ei tûrin an pe a. Thlarau Thianghlim hartharna nasa tak an chan avângin Kohranhote an hlim hle.

PES STUDY TOUR: Presbyterian English School, Ramthar Vêng, Aizâwl chuan May 8-13, 2017 chhûng khân Shillong leh Guwahati-ah Study Tour an buatsaih. He tour-ah hian Class-X zirlaite an hrui a, hmun pawimawh hrang hrang an tlawhpui a, hlâwkpu an tiin chhunzawm zêl tlâk an ti hle.

PATHIAN THU ZIR DUH TÂN

Presbyterian Bible School, Mission Veng, Aizawlah C.Th (Certificate in Theology) zir tur lak a ni leh dawn a, dil duh chuan heng hi hriat tur a ni e.

1. Admission Form hi Office-ah Rs. 10 a lei tur a ni a. August 23, 2017 (Nilaini) tlai dar 3:00 thleng PBS Office-ah thehluh theih a ni. Diltu chu Class VII pass/Middle School exam pass, kum 16 aia naupang lo, Kohran dan chhûnga awm a ni tur a ni.
2. August 29, 2017 (Thawhlehi) zing dar 10:00-ah Interview neih tur a ni a, September 4, 2017 (Thawhtanni)-ah Class tan a ni ang.
3. Zir hun chung thla li i.e. September-December, 2017 a ni a. Hrechiang duh tan heng Phone No. 2317343/2325082/9436198231-ah zawhfiah theih a ni. Hostel a awm lo.

Sd/- Rev. Lalneihvura
Principal
Presbyterian Bible School

SYNOD LAY PENSIONERS' FELLOWSHIP ANNUAL GENERAL MEETING VAWI 17-NA

May 19, 2017 (Zirtâwpni) khân Synod Lay Pensioners' Fellowship Annual General Meeting Vawi 17-na chu Zosaphluia Buildingah neih a ni.

Meeting hi Upa Dr. L. Ringluaia'n a kaihruai a, Nl. Hmingthansângi'n tanna hun a hmang a, member kalten mahni inhmêlhrattirna an nei a, chumi zawhah Secretary leh Treasurer report ngaihlâk a ni.

Secretary-in-Synod Lay Workers' Fellowship aţanga Synod Lay Pensioners' Fellowship a din hran tât thu leh Inkaihruaina Dân thar siam a nih thu te a sawi a, member tharte inhmêlhrattirna leh lawmna neih a ni bawk. He meetingah hian an member chatuan ram pan ta mi paruk sùn an ni a, Vice Chairman Upa Lalliansâwtan thuchah a sawi zui a, chumi hnu-ah a duh apiang thusawina hun hman a ni bawk.

COUNSELLING TRAINING VAWI 26-NA

Mizoram Synod, Family Guidance & Counselling Centre (FG&CC)-in Kohran hrutute puala Synod Conference Centre-a *Church Leaders' Intensive Residential Pastoral Care & Counselling Training Vawi 26-na* May 17, 2017 aţanga a buatsaih chu May 30, 2017 (Thawhlehi) zân khân *'Final Evaluation & Graduation Service'* neiin khâr a ni.

Training khârna hun hi Rev. PC Pachhûnga, Executive Secretary i/c FG&CC chuan a kaihhrui a, Rev. Lalzuithanga, Synod Moderator-in a hmanpui a, training chhuakte hnênah Certificate semin thuchah a sawi. He Counselling Training-ah hian Pastor Bial riât aţangin Kohran aiawh 29 an tel a ni.

Training khârna inkhawmah hian Rev. R. Lalhmingthanga, Director, FG&CC chuan

inlawmna hun a hmang a, he hun hmanpuitu, Synod Moderator Rev. Lalzuithanga chuan training chhuakte fuihna thu sawiin, training chhuakte chuan an thil zirte chu ţangkai taka hman tum tûrin a fuih.

FG&CC hian Pastor-te pualin Pastoral Care & Counselling Training hi vawi 26 buatsaih tawh. Pastor 440 training a neihpui tawh a. Church Leader-te puala kum 2002 aţanga training a neihpui tawhah, tûn ţuma mite nên hian Kohran hrutute 531 Training pek an ni tawh a ni.

Tin, Synodhian Counselling Centre paruk - Mission Vêng, Bâwngkâwn, Vaivakâwn leh Champhai, Kolasib leh Sêrchhîpah te a nei a. Hêng Counselling Centre parukah hian tûn thlenga pantu (Client) an neih tawh zât chu mi 18,142 an ni.

LAY DAY 2017

Synod hnuaia thawk, Ordained Minister ni lote inhlâwm khâwmna, 'Synod Lay Workers' Fellowship' (SLWF) chuan May 26, 2017 khan Synod Hospital, Durtlângah Annual General Meeting vawi 43-na an hmang a, member 550 vêl an kal thei. Chawhma lam inkhâwm 'Hun Urhsûn'-ah Secretary Report leh Fin. Secretary Report te ngaihlâk a nih hnuin kum 2016 Lay Day leh 2017 Lay Day inkâra member thi pasarih sûnna hun hman a ni a. Synod Moderator Rev. Lalzuithanga thahnemngai takin Lay Day Address a sawi. Chawhma lamah hian hrutute thar hlan an ni a; kumin 2017 aţanga upat pension (superannuation)-a chhuak mi 13 hnênah chawimawina/ngaihhraina thu ziaak hlan an ni bawk.

Chawhnu lam chu 'Hun Zângkhâi' tih a ni a; hlim taka zai ho leh Department/Institution hrang hrang aţanga special item ngaihlâk leh thli ho a ni a, tlai lamah hlim takin ruai kil ho a ni.

SLWF-ah hian a din tîrh aţangin Synod hnuaia Lay Workers leh Lay Pensioners, Aizâwl khawpuia awmte an awm ho vek thîn a, 2016-2017-ah hian member 790 an awm. Member thi an awmin râlna an thawh khâwm a, ₹ 50,000-in an inrâl thîn. Synod Lay Pensioner Fellowship a din tât avângin kumin 2017 aţang chuan SLWF-ah hian pensioner-te tel tawh lovin a thawk mêkte chauh member an ni tawh dawn a ni.

GNM ZIR DUH TÂN

Nursing School, Synod Hospital, Durtlâng chuan kum 2017 atân GNM zir tûr a la leh dawn a. Dil tumte chuan Application Form hi Principal Office, Nursing School, Durtlângah te, Millenium Centre Clinic-ah leh Dr. Fraser's Clinic, Mission Vêng, Aizawlah te Rs. 250 pein lâk tûr a ni e.

Dil thei chin:

1. HSSLC pass, 40% hmu chin.
2. Kohran dân chhûnga awm lai ngei.
3. 31st December, 2017-a kum 17 tling chin

Dil theih hun chhûng:

1. Application lâk leh thehluh theih hun - 1st July - 12th August, 2017
2. Written Exam : 17th August, 2017 (11:00 AM)

Sd/- C. Lalrintluangi
Principal